

3 Yohane

Yohanenye Gaiogât den kulengoep.

¹Galane Gaio, nâmâ luâk sâmbâ sop kâlep manmâ gan. Nânye kulem esenye ire gânġât kulengoân. Gala gâmâ Yesugât kâmolân gâtŋe aregât den bunye aregât akmâ gânġât okotne dondâ nânġân.

²O Gala, nâ gânġât akmâ Anutu ulilanġdere wan me wan hârokgât gai umburuk akmenâ are hârok âlepŋe miawak giŋbiap aregât ulilanġman. Akto Anutuŋe tân gugumbo biwige âlepŋe akmap aregât nânġâm âmâ hinŋe hâkgaet ulilanġman. ³Akto ulikŋân Yesugâlân gâtŋe bikŋande gânġâlânba nânġâlân togoyi akto togom gânġât makniŋi. Amâ den bunye nânġâm watmenâ agak memege âlepŋeâk miawakmap. Are amâ bundâk. Gâmâ den bunye watmat. ⁴Galane, nânye ulikŋân luâk me âmbâle makyenġire biwiyeŋe Yesugâlân kali are yenġâlân gâtŋande den bunye lokom manmâ gayi a nânġâm heronje humo nânġâman. Akto heronje irekŋe heronje siâ ewangiâp.

Gaio amâ âi âlepŋe miep.

⁵Galane, gâŋe Yesugâlân gâtŋe tân yenġuen âi are amâ âlepŋe. Akto Yesugât kâmolân gâtŋe tirip bo nânġâmat amâ hanâk dâm tânyenġuen are âi âlepŋe dondâ mien. ⁶Akto are yenġâlân gâtŋe bikŋande hepun gekmâ nânġâlân togom gânġât keige âlepŋe are Yesugât kâmot hutyenġân kinmâ maknengiyi. Gala, gâŋe okot âlep akyenġim dâpġât siâ siâ tân yenġumat den are nânġâm heronje humo nânġân. Gâ wan akmat amâ Anutugât âi dâm nânġâm âmâ hainâk akmâ âgâwen. ⁷Akto Yesugâlân gâtŋe yu maktân arekŋe Yesugât keiŋe makyenġiwerâm kepiaŋe kepiaŋe arim Yesugât kâmolân gâtŋe bo manmai are yenġâlân puli me wan me wan bo ulit yenġimai. ⁸Hain akmâ nengâlân togombiâ âmâ âiyeŋe amâ nengât âi hainâk dâm dowâk tân yenġuenŋe ârândânġ akmap.

Diotrepegât den.

⁹Nânye âġâlân Yesugât kâmot yenġât kulem siâ kulemgom katere ariep. Dâ luâk siâ kotŋe Diotrepe yâkŋe ikiŋaet nânġâmbo âġâmap are

nângât den bo nângâm âmâ kondo gemap. ¹⁰ Akto areâk bo. Yesugât kâmot siânbaŋe togombiâ bo tân yeŋgumap. Dâ luâk âmbâle bikŋande tân yeŋguwerâm akbiâ Diotrepeŋe tân yeŋguwâigât nengât kâmolân bo togoŋet dâm wat yekto yânŋângen manmai. Hain gârâmâ nâŋe hâmbâi yeŋgâlân togowianân âmâ yâkgât den kom âmâ dennenŋe kom agak meme bâleŋe akmap are mem miawaktere ekbai.

Demetriogât den.

¹¹ O Galane, gâ agak meme bâleŋe bo watben. Gâ agak meme âlepŋe watben. Akto luâk âmbâle agak meme âlepŋe akmai amâ Anutuŋe memeŋe akyeŋgimbo hain akmai. Dâ luâk âmbâle bikŋe agak meme bâleŋe akmai amâ Anutugât keiŋe bo nângâmai. ¹² Akto luâk agak memeŋe âlepŋe Demetrio are luâk âmbâle dondâŋe yâkgât agak meme nângâmbiâ ârândâŋ akmap. Akto bunŋande hainâk keiŋe miawakto ârândâŋ akmap. Akto nenâkai yâkgât nângâenŋe ârândâŋ akmap. Akto gâ nengât den amâ bundâk dâm nângâmat.

Den bâiŋe.

¹³ Nâŋe den bikŋe dondâ makŋiŋberâm aktân. Aregât gâwuŋe kulem esenŋân kulemgom katere gâŋgâlân togowiap are bo nângân. ¹⁴ Gârâmâ nâ dowâk togom gâ gektere egakmâ magaŋgi goaŋgi akbaetgât ukenŋe nângân.

¹⁵ Galane, Anutuŋe damunge akto kambiamge yeukŋe talâkgât ulilaŋdân. Akto Yesugât kâmolân gâtŋe nâ olop tatâi amâ gâŋgât nângâm heronŋe aktâi. Akto gâŋgâlân Yesugât kâmolân gâtŋe tatâi are konok konok nengât makyenŋimenâ heronŋe akbei. Areâk.